

SAN MARTIN Y LUNGIARÜ

Al vëgn recordé l'**offerta "Misereor" dl Vëndres Sanc** che vá ala Caritas.
L'offerta pó ince gní paiada ite diretamënter ala Caritas Diözese Bozen Brixen,
Sparkassenstraße 1, 39100 Balsan, cod.fisc. 80003290212, sön le cunt pro la
Raiffeisen Landesbank IBAN: IT42F0349311600000300200018 BIC: RZSBIT2B
y pó insciö gní trata jö tla detlaraziun dla cuta.
La Caritas präia ince do i **5 pormile** sot al cod.fisc. 80003290212 ch'i podëis dé
cun osta sotescriziun tla detlaraziun dl vadagn.

La **Union dles Ères da San Martin y Lungiarü** vënn en Pasca do la gran mësša
röses sot al tema "**na rösa por la vita - daidé por daidé**" por l'Assoziaziun
Südtiroler Krebshilfe. Dilan bele damperfora de osta spënorä. - La Südtiroler
Krebshilfe informëia che ara ne cöi nia adöm spënores por telefon o da porta a
porta, mo ma cun initiatives publiches. Por podëi daidé i amarä de crebesc
debann, depënn l'assoziaziun dala buna man dla jënt.

SAN MARTIN

Le Comité dles Patrones da San Martin lascia alsavëi che dala venüda dl' "**Aziun
dles Primules**" por la Südtiroler Krebshilfe da Balsan él gnü trat ite 685 €
che jarä ai fins de bëgn por porsones che á crebesc.

La **Union dles Ères da San Martin á arigné ca na plata facebook**: union ères
San Martin, olach'al vëgn lascé alsavëi les ativités: cursc, referac y d'ater.

En recordanza dla defunta Angelina Vanzi él gnü fat ofertes por la dlijia da Leo
y Monica Crepaz; Nane Pescoller; families Vanzi Pietro, Manfred y Gerhard;
families Vanzi Martina; Paolo, Klaus y Manuela; dai mituns dla so Iudita, da Tone
y Elsa Gasser, da Albert y Oliva Costabiei; da Franz y Albina Ploner; por santes
mësses da Anita Zingerle y familia.

LUNGIARÜ

Tles ultimes 2 edemes él gnü partí fora dala Cöra Lungiarü na lëtra olä ch'al gnü
periè dô le **contribut unich por le mone y por la cöra 2022** don dant n numer
falz IBAN cun n "0" demassa. Le dërt é: IT 63 K 08010 58830 00030400493.
Ciamò n iade a düc n prëitambel y n dilan fort.

La Musiga, i Stödafeuch da San Martin y Lungiarü präia dër bel do osc aiüt por
sostegnì súa ativité. Pro la detlaraziun dla cuta podëise nes **destiné le 5 pormile**
y nes daidé insciö da curí na pert dles spëises ch'i un ia por l'ann. Por os ne
comporta chësta destinaziun degun cost implü; al é ma da dé dant nosc codesc
fiscal y da sotescri: Musiga da San Martin de Tor - codesc fiscal 81009430216

Stödafeuch da San Martin - codesc fiscal 92009210219

Stödafeuch da Lungiarü - codesc fiscal 92009030211

Les Scores dla Val Badia inviëia, adöm cun le Sorvisc ai Jogn, dër bel geniturs,
insegnanc y interessä al referat online "**Le emozioni nei bambini e come
gestire i comportamenti difficili**" cun la psicologa dr. Veronika Rottensteiner.
Le referat gnará tigní en mercui, ai 13 d'auri dales 18.00 tres la plataforma Zoom.
Chësc é le link por tò pert: <https://zoom.us/j/99472798618>.



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun.anton.gasser@rolmail.net - 348 27 44 517 / 0474 523 194



www.valbadiaonline.it/comunita

10.04. - 17.04.22 nr. 20

ultimo termo por comunicaziuns: jöbia, dales 20.00

DOMÈNIA DAL ORÍ - C / EDEMA SANTA

Vangele do Lüca 19,28-40

Spo ài condüt n müsc jonn da Gejù, à metü sü guanc sön le tier y à daidé
sö Gejù. Tratan ch'al raitâ inant, destenô i discepuì sü guanc ia por strada.
Canch'al é rové tl post olache le tru va dala Munt dl Orì jö pert, à düc i
discepuì metü man dala ligrëza da laldè dadalt Idî por dötes les opres
miracolosos ch'ai â odü.

Ai scraiâ: Benedì sides le re

che vëgn tl inom dl Signur.

Pêsc tl cil y gloria sö alalt!

Dailò ti à scraié pormez

valgügn farisës fora dla meja:

Maester, mët a scutè tü discepuì!

Al à respognü: I ves diji: Sce chisc

scuta, saral les peres che scraia.



"Chël Bel Dî se lascia adintëne" podess ester le titul dla Domènia dal Orì.

*Chësta n'é zënza nia la manira de Gejù: Al nasc te na stala, al mör söla crusc
tralascé da düc, la ressourceziun sozed de nôt zënza degügn testimoni.*

*Döt atramënter tl vangele da incö: Al raita sön n müsc, la jënt ti iubilëia pormez,
deache, sc'ara scutass, scraiass cinamai les peres. Ciodì pa?*

Al ó se lascé adintëne por che la jënt s'intënes y toles súa dezijiun.

*Ince tla vita de vigni porsona él momënc olache Chël Bel Dî se lascia adintëne,
te esperiënzes de fortüna o de soferënza, tl chît o te incuntades.*

Dailó stára a me, da ester tan sensibl da conësce le momënt

*olache Chël Bel Dî me vëgn adincuntra, olach'al é debojëgn ch'i toles na dezijiun
y me dais da fá. Por che y co?*

Dessigü miú sc'i la toli por Chël Bel Dî, al é dessigü spo ince miú por me. Image

EDEMA	SAN MARTIN	LUNGIARÜ	 JÖBIA SANTA Sëgn tl Urt dal'Orí s'á desfanté la comunité dl salf dl'ultima cëna. Chësc é n avertimënt por me. La comuniun cun Gejú mëss jì inant ince do mëssa fora de dljia. Ara vá ma inant sc'i me crüzi de chi che m'adora incër me ia. VÈNDRES SANC  I ti ciarun a Gejú söla crusc, a so müs che sofrësc ince por la pasciun y la mort crödia de tan tröc te düc i tèmps. Dëidesse da avëi na odlada umana de compasciun. NÖT DE PASCA  Al ó ester jënt che cunta dla Noela de Pasca, che n'á degöna pora da cunté de süa speranza, ince sc'al vëgn ma araté por ciacoles. Chëstes ëres é tan sigüdes che ares ti á tache so entusiasim ince a d'atri. Gejú vir. Idî é n Dî dla vita.
10.04.22 DOMËNIA DAL ORÍ C	10.00 Benediscium dl Orí y ingres dala calonia demez Pasciun do Lüca y Eucaristia 2 ^a de sopolt. de Angelina Vanzi Baldissera dl ann + Pire Ploner + + frater Martin y Rosalia Ploner	8.15 Benediscium dl Orí y ingres dala scora demez Pasciun do Lüca y Eucaristia	
11.04.22 <i>Gemma Galgani</i> Lönesc dl'Edema Santa			
12.04.22 <i>Zeno, Herta</i> Dedolönesc dl'Edema Santa	18.15 inant: Confesciuns 19.00 Mëssa + + Clara y Frida Ploner de rengr. Hilda da Grones cun families		
13.04.22 <i>Martin, Ida</i> Mercui dl'Edema Santa	18.00 Les Staziuns	7.30 Mëssa vis y def. fam. Martin Clara + + Chiusura y Paratscha Oraziun por la pesc	
14.04.22 <i>Lidvina, Erna, Laurin</i> JÖBIA SANTA EUCARISTIA	19.00 In coena Domini Mëssa de rengr. dl'Istituziun dl'Eucaristia Ora santa d'Angonia dl Signur	21.00 In coena Domini Mëssa cun lavanda di pîsc ai neocomunicanc + Isidoro Clara, Toch + + Sisto y Tî Clara Ora santa dl'Angonia dl Signur	
15.04.22 <i>Damian, Teodor</i> VENDRES SANC PASCIUN Y MORT <i>jaiun y astinënza</i>	15.00 Pasciun y Mort de nosc Signur Adoraziun dla Crusc, Supliches y Comuniun Oferta Misereor (siur Tone Fiung)	8.00 Ora d'adoraziun 9.00 Ora d'adoraziun por mituns/ans 15.00 Pasciun y Mort de nosc Signur Adoraziun dla Crusc, Supl. y Com. Oferta Misereor (siur Heinrich)	
16.04.22 <i>Bernadeta</i> SABEDA SANTA NÖT DE PASCA	8.00 Ora d'adoraziun 9.00 Ora d'adoraziun por scholars/es 19.00 Festa dla Nöt de Pasca Liturgia dla löm, letöres, Gloria, Vangele, Impormetüdes dl Bato, Eucaristia (siur Heinrich)	8.00 Ora d'adoraziun 9.00 Ora d'adoraziun por mituns/ans 20.00 Festa dla Nöt de Pasca Liturgia dla löm, letöres, Gloria, Vangele, Impormetüdes dl Bato, Eucaristia (siur Tone Fiung)	
17.04.22 DOMËNIA DE PASCA	9.30 Mëssa solëna dla Comunité cun benediscium dl signé (siur Tone Fiung) 18.00 Öspi da Pasca	8.15 Mëssa solëna dla Cmunité cun benediscium dl signé (siur Heinrich) 14.30 Öspi da Pasca	